

魯氏世譜

254
2769
12



始祖

脫歡

二世

阿實篤


華卜世傑

三世

賢

四世

鑑



五世

經

六世

經

七世

瞻東

八世

振武 光福 光先 光國

九世

十世

十一世

十二世

先昌

宏

帝巨
帝心

華齡

十三世

十四世

十五世

鳳嘉

璠

紀勳



列傳

列傳之名起於司馬遷蓋史體也古之文人無爲人私立傳者昌黎之於陸贄陽城附入順宗實錄中柳州之於段太尉不曰傳而曰狀李翱爲盧坦傳方氏望溪譏之自出失官而石崇天祿率皆籍談伯魯之徒于是不得不自爲家傳以濟其窮而鄉曲俗子又欲藉金帛以光泉壤所號爲文士者剝其有而攘臂操觚滿紙譌謬則草野亦無傳信之書矣余家自有明以來世執戈矛捍衛邊徼即婦人女子亦耿耿秉忠義以立功名而明史不詳家乘所載亦復蕪冗爰重加刪訂略具體例以備他日國史之采不敢增飾欺人以厚誣先世

俾後之子孫有所攷証云作列傳第三

始祖脫歡公傳

脫歡公者元宗室也仁宗皇慶二年晉爵安定王歷事數朝以忠
誼聞至元間盜賊蠶起明太祖龍飛淮甸不數年羣雄削平洪武
元年遣徐達常遇春等率師北征所向迎降公慨然流涕曰大事
去矣當是時朝廷號令所及兩都之外不過數百里兵力寡弱戰
守俱不足恃公與諸怯薛率疲敝之衆晝夜城守饑饉之餘援餉
悉絕惟以忠義鼓勵人心無不感奮而兵勢逾警漸逼京畿順寧
與太子諸皇孫夜半遜國去公率數十騎扈從不及遂流落河套
每談及先朝輒撫膺悲慟太祖聞而義之命行人召赴行在及進
見諭慰至再欲官之公頓首曰亡國之臣不足以辱聖世太祖愈

重之使招集部落仍守其地三年擴廓帖木兒攻沈兒峪公從徐
達破之擴廓走和林八年河西酋朵兒只巴叛公從僕英征之六
破其衆只巴僅以身免師還叙功命入朝以疾未果逾年卒配馬
太夫人深沈有智謀有番人達官擢只者驍勇絕倫能手勒奔馬
善左右射發皆奇中與其弟煽誘番衆據河西蘿崖山爲寇殺害
朝使劫掠客商金帛道路梗塞太夫人以密計誘之至則設亭帳
紅氍毹鋪地飾侍女數十人屬服金環彈琵琶歌土歌爲壽酒酣
擊銅斗所伏壯士突起以鉄練械擲只並從者脫矢罕等七人比
微醒手足少展械幾絕乃決其首梟示烏稍嶺遣番賊懼其弟聞
之亦自刎遂大發部伍剿撫其黨涼州平事賜白金千兩金寶

睿瑛一副彩紵四舞命官治第進城建樓七楹額曰効忠以純設
兒田土五十頃為湯沐地壽九十卒與脫歡公合葬西大通祖塋

二世韋下世傑傳

韋下世傑者脫歡公之次子也脫歡公卒長阿寶篤嗣職以爲
只功隆正千戶尋以目盲死世傑公代襲性勁悍質木有父風洪
武三十五年下烟答失叛將犯莊浪公怒曰土居小醜歸化有年
今乃爲地方害是自促殄滅也率部卒百餘人禦於武威境上大
破之生擒七十二人時成祖文皇帝建極爲永樂元年公以貢馬
獻俘入都八月陞莊浪衛百戶管束兵民自是守鎮嘗守毛目城
招撫亦集乃到處賞罰嚴明遠近響應八年成祖親征漠北召公

扈從時馬太夫人老且病公依依不忍去馬太夫人曰若爲追將
世受朝廷厚恩顧乃以私廢公耶且死生有定若在吾將生若去
吾便死耶行矣男兒克濟大事善死且瞑目公揮涕受教夏四月
師次威虜鎮天旱索驪載水以給軍士木雅矢里奔五月還次飲
馬河詔移師征阿魯台時大雨泥沒馬鼻軍士疲頓阿魯台爲降
命公嚴陣以待已而悉衆來犯公奮勇血戰射殺十餘人賊環圍
矢如雨下公力竭死之賊肢解其體蓋公自從征以至於死數月
未嘗卸甲冑鉄繡斑駁盛簷中俱有殺種苗歟然生嗚呼異哉
左右得公右臂於沙場中蓋手有玉指機故得辨識云配李太夫
人會寧伯某女治馬太夫人之衣殯葬如禮守志撫孤時以忠

勉其子以故都督公賢克昌其世焉

三世驃騎公賢傳

驃騎公賢者世傑長子也先名什伽後賜姓述更今名字士傑少
落落有大志而忠誠出於天性未嘗稍令前志其志與名暗合
永樂九年從太監王安討西涼擒虜俘獲甚眾以功陞副千戶
事成祖泊仁宣英四朝積戰功出指揮兼領兵馬同知陞都督
揮僉事陞都指揮同知陞都指揮使拜驃騎將軍領兵守邊陲
事公身經數十戰未嘗少挫熟習邊隘情形所部士卒皆用舊
所向有功成祖永樂十二年隨駕親征阿魯台身先士卒河州生擒
虜首阿剌罕寵眷益隆謂之曰昔周公且遠征焉况公乎

魯今爾內附許久且有遠征之勞勳業可與周公同其美也
世子孫永作 夙籙以固吾圉再拜受命 有司改律定姓以暢
而胙土命氏天子主之後世族姓家胤而人不知所自生今之
姓同於國者輒云以國為姓而不知非也 昔周初陳之少子而
非夏后氏之口齊氏出於衛之齊惡而非齊國之公且秦穆公
出於秦狄厲彌非出於狄蓋古人之氏或謚或字或爵或官或
奔他國而後以國為氏如齊陳敬仲衛宋朝之類是也 昔者得
姓之由不欲後人 意舉附且荷榮寵而光昭先烈言 實可知
魏勵於無窮滿目 明太祖時崇古翰林火你赤賜姓名為雲龍
由是而賜把都帖木兒為吳倫都兒灰為柴保佳為楊一時

蓋沐殊恩然後知聖主之懷柔能遠而先公之大
有造於吾家也
公體貌偉岸每戰須臾張配李太夫人色字伯
名英之女性精
巧女紅中饋皆臻其妙親製饘飩爲糗雅有禮
人欽手澤焉公卒正統十二年十二月某時事聞
朝廷震悼遣行
人耶凱諭祭葬祖坐夫人祔

四世靖虜公鑑傳

靖虜公鑑字克明賢長子也正統十年貢馬京師授百戶十二年
嗣職爲指揮同知逾年虜衆結聚嘉峪關外瓜沙地方乘隙內犯
公謂鎮守太監劉永壽曰虜方遠來我乘其疲而急擊之必獲全
勝緩則窺伺我兵虛實勝負難必永壽從之乃率兵千五百人至

察罕兀剌大破之俘斬甚衆以功陞指揮使公爲人號勇絕倫有
膽氣多智畧景泰天順間甘涼烽火屢警總兵黃敬宣賊伯翰等
等奉命治師桴鼓所至輒以公爲前鋒每戰先突陣橫刃大呼
所向披靡賊帥之猛鸞趨捷者嘗躍馬斬之萬衆之中軍中號爲
飛將軍又能以少擊衆往往出奇制勝賊衆之當之者烏亦懾
驚猶魁神由是破王孛於涼州滅滿四於固原御李羅呼且加恩
關於河套嘗公力也朝廷倚之如長城成化十一年命有司建坊
於第以旌其功二十二年掛靖虜將軍印然性恭謹有功不伐所
得賞賜輒分給將士尤愛敦崇學校歲禮往焉起家偏裨積功至
大將軍守莊浪留環慶鎮延綏四十餘年以終雖由於遠

之隆亦公之忠誠有以致之也孝宗立以疾乞休宏治七年子經游擊甘肅朝廷以土軍非公不能治特起治之公乃條上邊務四事洋洋數千言洞悉戰守情形時多議行十五年以舊創發卒事聞贈榮祿大夫上柱國右軍都督府都督遣布政使參政李時論祭三壇配李太夫人高陽伯名文之女性貞靜教子女有法前公五年卒贈卹如制女一適甘州守備毛濬正德中閩人用事聞其美繩於武宗特命中官趙璘具禮幣來迎女辭曰邊方陋質不足以辱朝命且一嫁不改匹婦之志也願爲上陳以明不可奪之死罪璘曰上志之堅亦不可奪也女默然持刀自刎不殊濬駭懇命家人晝夜環守一日乘隙以艾灼其面數日而死嗚呼父爲名臣

女爲烈婦實有關於名教綱常蓋不獨吾家門之幸也附書於此
用補明史列女之闕云

五世都督公麟傳

都督公麟字世祥鑑長子也豪健有父風成化二十年靖虜公遠
鎮延綏部卒無統屬授公爲錦衣百戶領土軍時涼永甘肅等處
番虜出沒無常公隨調應援輒有功由是知名異域逾年關中大
飢道殣相望公輸粟六百石以濟大河以東所全活者數千人事
聞進秩爲指揮使又逾年同叅將田廣破賊於青石峽秋九月復
追敗於付同兒水事聞進秩爲都指揮僉事宏治元年靖虜公乞
休朝廷許之二年公嗣職七年虜犯永昌公提兵應援戰於六泉

虜少却未幾悉來圍公以衆寡不敵堅壁不戰而環攻甚急矢
雨下士卒持馬鞍蔽體被困三日涼州叅將陶禎觀望不救公籲
天私禱激厲將士血戰數十合天大風沙石飛走潰圍而出朝廷
聞其敗罪當戍邊公草疏劾禎命御史按問禎罪禎而公得昭雪
但貶一秩而已十二年以俘却受功陞叅將分守莊浪未幾陞左
副總兵鎮守甘州十四年虜犯西夏公提兵應援比至韋州虜已
大入遣都指揮楊琳擊之琳與虜遇於孔壩溝畏縮不能成陣士
卒反走虜尾之遂大敗公憤極與子經率瘡夷數百人與賊戰前
鋒又却經手斬數人身先陷陣公繼之部衆奮勇齊進無不以一
當百呼聲震天地虜潰走大吏連章劾公遲悞公草疏奏辨廷罪

琳而公得昭雪但停俸二月而已當是時靖虜公老而子經幼不能治土軍公乞歸劉大夏爲言於帝許之武宗立莊浪叅將蘇泰不得人心屢傾事朝廷命把琮更代琮以公邊境重務戰守畢亨爲言於帝許之正德元年三月卒贈右軍都督僉事遣布政司叅政周載賜祭塋如故事元配王太夫人羽林衛都指揮名英之女早卒無出繼王太夫人羽林衛都閫名振之女都督公經即亦夫人所生也

六世靖虜公經傳

靖虜公經字元常號西崑麟長子也宏治十四年隨都督公破賊於肅州授百戶十七年破賊於水槽溝授錦衣衛指揮僉事正德

元年都督公卒公嗣職朝廷念公累立戰功特陞都指揮僉事協
守莊浪掛昭勇將軍印公愈益感奮三年破勦水湖賊陞都指揮
同知五年虜犯莊浪追敗於石棚溝斬獲甚衆七年虜復犯莊浪
追敗於通遠堡斬獲甚衆七年虜犯西寧追敗於馬場溝斬獲甚
衆時大吏交章薦揚朝廷賜蟒衣玉帶特命署都督僉事充左察
將分守莊浪十年岔口番奴貢物冬經都爾番奴貢馬朝廷命公
勦捕公所向有功卒奪選貢物上之陞都督同知協守莊浪西寧
未幾武宗崩世宗即位公乞休巡撫許鳳翔上言經世將敢戰知
名異域今邊患棘不宜聽其去世宗手勅慰留且遣官勞以金幣
陞副總兵仍命協守如故四年總兵延綏掛靖虜將軍印大學士

楊一清上言經守莊浪二十餘載屢立戰功其部下土軍非他人所能及今陝西總兵官張鳳乃延綏世將若調鳳延綏而改經陝西自可以資彈壓國無西顧憂世宗立從其請命發節原州二十一年虜入寇雲中上谷連疏告急朝廷命兵部堂官選員往援時夜將半命中官傳旨朕忘葦浪營經將勇兵強可備緩急遂降手勅遣千戶劉剛徵取當是時公中卸甲風足微跛步履蹒跚命力疾選本部精兵三千人應召兵抵朔州虜聞公名遽去朝廷嘉其忠誠慰勞至再賜金帛遣歸越三年命巡撫陳九疇建風抱忠義久著威名兩坊以旌之先是公長子瞻卒公遂命次子東代任而已隱於西大通別業凡十餘年以嘉靖三十五年三月卒贈崇

祿大夫上柱國左軍都督府都督諭祭三壇醜王太夫人西寧清
遠侯某公之女端厚有風範正德十二年朝廷念公勞遣中官賜
太夫人蟒玉寶石金環紗緞諸物蓋異數也嘉靖五年十月先外
卒

七世昭毅公東傳

昭毅公東字宗周號石峯靖虜公經之次子也先是公伯兄瞻隨
靖虜公有功授副千戶嘉靖六年靖虜公予告回籍朝廷勅瞻管
束地方嗣職累功至指揮僉事守備山丹十四年靖虜公奏言自
臣高祖以來世守郡土今臣家承臣子瞻又移他鎮土軍皇皇不
欲別附若因此生他患是曠先業而負世恩也乞守故業朝廷許

之命移節莊浪以嘉靖二十二年卒瞻子振武甫襲而亦卒當是時靖虜公老念國家多邊患軍民無所統轄題奏公嗣職公夙貌清雅類儒者而忠孝出自天性靖虜公病公焚香乞代割股療之巡撫陳棻請於朝旌其孝行每與賊戰跪靖虜公前請授方畧四十年虜大舉入寇塞下騷動公提兵禦備虜不敢犯莊浪後破賊於開城破賊於石頭溝破賊於白石川所向克捷隆慶二年陞都指揮協守莊浪與賊將李世威協戰守屢與賊遇輒獲大勝而莊浪以安無何以鮮甲風竟成錮疾手足偏枯不能動履者十有餘年萬曆六年公上疏乞休朝廷命光先代任未幾光先卒題請光祖襲世職萬曆十一年十二月公卒詔授昭毅將軍光祖襲世職

曹氏俱封淑人光祿公光祖即李太淑人所出也

八世光祿公光祖傳

光祿公光祖字伯顯昭毅公東次子也生長世族而性敦詩書慕
冠補本衛學官弟子思以甲科起家未幾伯兄光先不祿公以次
繼襲然終非其意長鎔大槩之旁圖書彙鼎縱橫羅列每暇焚香
靜坐讀古書數卷意思蕭散見者都忘其爲兜鍪中人也由指揮
使協守莊浪旋分守西寧以清西海功總兵涼州復以討倭拜功
總兵洮岷萬厯二十八年陞南京大教場總理提督管右府事務
倭公謙冲慈亮尤折節下士留都繁華之地聲色狗馬士大夫各
投所好咄嗟可辨公獨以俸易書所藏數百卷丹黃殆徧戎政餘

皇氏世言
閉招致名流賦詩飲酒訪桃葉之渡尋謝公之墩烏衣舊巷青溪
長橋頗極宦游之樂迺無何以疾請告朝廷許馳驛回籍歸則道
遙林泉手纂宗譜三卷始勅命繼列傳徃來贈答之辭附焉聯宗
族也又按朱子家禮建廟宅東設爲五龕中祀始祖四序昭穆以
配高曾祖考擇分至之日爲四時之祭始祖則百世不遷而左右
以序祧焉重祀典也余鄉風俗喬野而至今獨知尊祖而敬宗者
何莫非公之所貽謀是則余小子摹挈手澤而惕然生箕裘之感
矣公以萬曆三十五年卒於里第事聞贈光祿大夫賜祭葬如制
配張太夫人聰慧淵懿內政嚴肅生子允昌殉節前朝亦足以增

卷六之光也已

九世忠節公允昌傳

忠節公允昌字承甫號中台光祿公光祖子也萬曆三十年光祿公予告公襲指揮僉事管土軍嗣職公落落有大志而不以世蔭自域馳驅遶徼而慷慨有憂天下之心崇禎元年延綏飢府谷民王嘉允嘯聚劫掠張獻忠率自成之徒相繼爲亂公知世變嘗精練士兵爲保守河西之計九年陞參將分守莊浪逾年陞副總兵協守西寧旋以功加右軍都督府同知賜蟒玉十六年潼關破秦鞏震播公知蘭州孤危戰守俱不可恃亟上疏請肅藩渡河保寧涼甘肅以圖恢復不報十七年春賊將賀錦略河西涼莊望風降附公憤極盡散金帛將士提所部士兵扼於西大通與賊力戰賊

惲土軍名稍却之公家奴有降賊者告以無援賊勢益進公以衆寡不敵退守連城賊亦進攻連城城破縛公於大門前諭之降不應逼索財物復不應以刃挾之公笑而大罵至死罵不絕口時崇禎十七年正月十六日也賊掠子女寶貨長驅而西公子宏時方數歲陷賊中賊即以公之部落異家奴之降者嫡配甘太夫人慟欲身殉或勸以子虜家破徒死無益太夫人即服食如常順治二年英王招撫兩河廼命勞妻楊太夫人嚙血上疏具陳顛末命部臣議覆權劉猶子安攝職管束軍民則此二百年來子孫之得承先業皆兩太夫人之力抑亦公之忠魂有以昭鑒於泉壤也

十世指揮公安傳

指揮公諱宏字祿侯忠節公允昌子也賀錦之難被虜至中州轉徙武昌順治二年

朝廷聞忠節公死事狀劄安攝職戊子領

勅印蒞事當是時兵革稍息甘太夫人遣人四出尋訪每夜焚香籲天戊寅七年得確耗於商估迺資金幣迎公歸歸則子母相抱慟哭士民亦歡呼踴躍自以爲得王迺豪奴之降賊者時亦歸附爲參將分地募民有並吞之意且忠節公之死豪奴實罪及焉恐公襲不利於已詐爲卜者王即語蠱惑民心更潛納金指安志安亦有固位心於是蜚語四聞且賄士民之黠者爲証公歷控撫按酷以刑不死困以獄復不死閱十年始得昭雪乃以順治十六年

嗣職公既任事時朝野咸清羌戎賓服雖疆場無汗馬之勞然而
恢復先業撫卹軍民俾奸人消覬覦之心奕世享昇平之樂者公
之力也何天不弔襲十五年竟以康熙十二年三月十一日卒享
年四十痛哉配汪太夫人貞嚴有志節自公之歿守志撫孤甲寅
三籓叛兩河震搖靖逆侯張勇克蘭州太夫人運糧石加匹助軍
又遣土兵隨西寧總兵平薛爾素率

旨褒嘉以康熙四十六年三月十四日卒諡贈淑人與指揮公台
墓於青陽山禮塋

十一世高祖昭勇公帝心傳

高祖昭勇公諱帝心字簡在指揮公宏繼子也先是指揮公艱於

嗣汪太夫人撫公於襁褓恩勤如所出後生叔高祖帝臣指揮公
卒公與叔高祖皆幼汪太夫人護印康熙二十四年叔高祖告襲

祇領

勅書任事公亦補本衛學官弟子逾三年叔高祖卒無子公以次
嗣職公精明有爲而遇事能知大體雖非汪太夫人所出而孝養
未嘗少衰嘗指揮公歿公私弛廢孤寡婦任顛倒於強豪之手
公弱冠登壇精覈庶務恩威無濟振中葉之微者公之力也三十
八年憂爾旦梗化公自備芻糗提師北征賊遁去青海虜犯境調
兵勦援時大通河泛漲船筏無所施公捐數千金庀材鳩工造爲
浮橋兵以期集而西寧得全公外事戎行而暇則坐汪太夫人旁

設稗官野史可喜可愕之事以博老人歡心汪太夫人疾親侍湯藥旬不交睫者累月洎其居喪也毀哀骨立軍民皆爲感動其內行敦篤如此年甫艾上疏乞休高祖妣岳太夫人四川提督敏肅公昇龍之姝威信公鍾琪之始也太夫人雖生長世族而性恬澹山水琴書之間白頭相莊見者忘其爲簪纓中人也高祖以雍正十二年甲寅十二月十一日寅時卒諡封昭勇將軍高祖妣以康熙四十一年庚辰正月十九日亥時卒諡封夫人合葬於西享堂

十二世曾祖武功公華齡傳

曾祖武功公諱華齡字九如昭勇公帝心長子也坐而備德康樂不羣昭勇公器之康熙五十七年昭勇公予告九月公領

勅書嗣職逾年西藏達哇藍占巴叛大兵進征時岳威信公鍾璠
爲前鋒知公可用檄公爲先導兼護糧餉三巴橋者進藏第一險
也蕃酋守之勢不得過公部下土軍皆能蕃語飛馳至落籠宗擒
殺數人賊遁去大兵以次而進八月西藏平以功賞參將銜六十
年郭爾菴賊爲羅卜藏丹津煽誘肆行劫掠公率部卒數百人駐
防日月山兼護糧餉賊不得逞雍正元年羅卜藏丹津寇西寧莊
浪東西兩山蕃族罵爾素沙馬藍占巴等一時並起大將年羹堯
檄岳威信公征青海而莊浪逆蕃命公勦撫之公設伏中途擒賊
首哈木善等六人乘勢進攻碁子山軍聲大振賊敗遁入駝那溝
鉄包城圍攻五晝夜不下公暗命健卒數十人編木筏渡大通河

腦繞賊後而躬督大隊迎戰戰方蓋城中礮聲響應激漲天前後
夾攻賊大敗擒殺無算勦捕阿落等酋族東山平其西山賊酋聞
風奪氣遂移兵征之破石門寺宣搗其巢擒首逆餘黨遁逃二年
公知嵩黨乘春擄掠提兵駐大營灣農人恃以無虞四月岳威信
公以平青海兵搜捕兩山餘孽公發部卒一千人遣千總某領五
百人由新站入自率五百人由牌樓溝入斬賊五千餘名生擒百
餘名奪獲牛馬器械無算乃改莊漫衛爲平嵩縣而奏寫爾素酋
八族世給魯式爲民先是羅卜藏丹津衣善婦衣逃入噶爾順七
月公率二百人從岳威信公追至花海子望見紅柳蔽天沙濶如
水不能前進乃班師蒙

恩每兵賞銀八兩八年解軍年於赤金九年食參將俸

賜花翎蟒緞遊擊西寧乾隆元年西事凱旋引見補西安火器營
參將旋調甘肅城守營又陞永昌副將兩署涼州總兵時海宇承
平兵革偃息公所到宣布朝廷恩德與軍又開示忠孝大義休養
教訓士卒依之如慈母尤愛敬禮學校每暇與士大夫雅歌投壺
泊去任時父老扶掖攀留持卮酒爲壽者綿亘數十里不絕所繪
攀轅圖蓋紀實也曾祖妣王太夫人雲南鶴麗鎮總兵諱珍之女
勤儉慈惠稱德配焉公卒於乾隆二十一年二月十九日享年六
十有八誥授武功大夫王太夫人卒於乾隆三十三年十一月十
五日享年七十有八誥授夫八綦西寧堂

十三世祖武義公鳳翥傳

先祖武義公諱鳳翥字修翎曾祖九如公長子也曾祖歷宦外任十餘年凡家之公私事務咸命公料理公長於才隨意指揮如置器然靡不受帖然遇事學大體而不鉤考細碎以故馳驅於公者咸感而愛焉雍正十年公以千總銜帶土軍六百人赴關外赤金布隆古等處屯田勦賊甘苦相土物之宜收穫輒常倍于別屯三年事竣回汛大吏咸稱其能乾隆九年曾祖請告公領

勅書蒞職曾祖性恬靜喜坐幽室滌茗焚香不問門以外事公於問安視膳之暇每事必請命不敢少替子職焉二十一年曾祖謝世公哀戚盡禮時曾祖母王太夫人老矣公恐傷母心每侍膳飲

咬如常然無人時輒鳴鳴作孺子泣而承事王太夫人尤得侍其側
心凡先曾祖之優游林泉十餘年而曾祖母之壽臻大耋壽神明不
衰者皆公孝養有以致之也我

朝承平日久遑陸無烽燧之警軍民躋仁壽之樂公恪守唐箴東
綉部屬歲時勸課農桑暇則栽花種樹尤習晉唐人楷法能為學
黨大字吾家園亭池館其聯額多公手書墨瀋淋漓猶可俯于澤
而想其風趣焉公以乾隆二十七年十一月初十日卒享年五十七
有一誥授武義大夫先祖母王太夫人曾祖母之胞侄女也以乾
隆二十四年九月初五日先公卒享年四十有七誥授淑人葬西
享堂

十四世先府君武公瑄傳

嗚呼予小子少遭閔凶年十一而先大夫見背年二十三而先夫夫人復見背徒抱此不肖之躬纂承先業然上感

朝廷養養之恩下念祖宗付託之意用是兢兢其所以衷身稱行延世澤於不墜者何莫非二人在天之靈有以呵護於冥冥也嗚呼血吮毫髮述梗概以示吾子孫且備他日史官之採擇焉府君諱璠字韞齋先大父武義公長子也少落拓不事家人生產然其貌魁偉豁達有大度乾隆二十七年先大父棄世府君領

勅書嗣職時國家無事士大夫頗喜結納府君譜食徵歌所到處賓朋輒滿尤卹士卒每食杯盤俱籍呼共飲啖有寒者輒解衣衣

之雖重價不少惜以故能得人死力焉四十六年河州逆回叛進薄省城城將破奉調往援甫渡河大戰於亂古堆坪賊勢分而城以得全然士卒殲敗府君亦受傷甚劇事

聞蒙

恩獎嘉賞珊瑚頂孔雀翎並銀兩緞匹四十九年藍茶廳逆回復叛奉調守省城晝夜設警凡三閱月而逆黨平事聞蒙

恩賞給兵丁銀兩五十年具題請覲以疾未果復

奏賞給緞匹五十一年奉

三駟驛入都十二月二十一日接

駕西華門即日

召見

瀛臺二十七日

坤寧宮觀步札二十九日

賜宴於重華宮次日復

賜宴於保和殿五十二年元旦朝賀

太和殿次日

賜宴於紫光閣次日

雍和宮聽經十三日

園明園觀燈火十九日

園明園觀燈火隨

駕游同樂園即日

陛辭前後凡

賜服食器物四十餘事三月十一日回莊逾年而卒嗚呼痛哉
太夫人姓孫氏武威鼎族世以甲科起家冠蓋相繼年及笄歸於
先府君恭勤慈惠門以外不聞笑語聲先府君性豪奢揮金若土
太夫人嘗裁節之泊先府君歿而族中不逞之徒欺其孤幼頗有
覬覦心太夫人外理戎政內修家務復以其閨撫育藐躬卒屠菹
拮之時而不致風雨之飄搖者太夫人之力也五十七年大兵進

勦廓爾喀時嚴寒士卒瑟縮太夫人脩柴薪十餘萬自運丹噶爾
交納事

聞

恩獎嘉賞緞匹並紀勛孔雀花翎即於是年四月領

勅書嗣職方期太夫人稍紆暮景或願養天和以盡犬馬之誠迨
不數年而亦卒嗚呼痛哉此天所以重不孝之罪而速之戾也余
家自先朝以來捍衛邊徼頗能知忠義以立功名至我

朝食毛踐土幾二百年而蕃夷率俾涓埃莫報迺

湛恩汪洋流外微弁閨中女流竟荷

天語褒崇

御珍產頒此予小子所以撫髀肉而赧然增馬謖之感者矣先府君卒於乾隆五十三年十一月十五日享年四十六歲諡贈武功大夫先夫人卒於嘉慶四年二月二十日享年五十五歲諡贈夫人葬河東享堂

十五世武功大夫澹人府君傳

公諱紀勤字澹人歸齊府君嫡子孫太夫人出恩賜齊公歿時澹人年裁十二太夫人護印乾隆五十六年大兵進劄廓爾喀太夫人運柴薪一十二萬勛助軍蒙

高宗純皇帝大加嘉獎賜太夫人緞匹紀勤花翎卽

命次年嗣職異數也公性機警長身玉立而起居勤儉多則裘馬

都雅庶對便捷不失世家風範嘉慶元年甘省歲稔士民例無
郵公軫念民艱籲請 大憲轉奏蒙
恩借給籽種口糧旌予豁免雖我

皇上一視同仁無分遠邇然非公愛民胞切亦不能邀此溥澤也
時川楚教匪滋擾稟請帶兵效用奏

聞調兵三百名隨營協剿其實在出力與受傷陣亡者同滿漢官
兵一體賞卹蔡霍之傾亦可以見德運之廣矣二十四年恭逢
仁宗皇帝六旬萬壽稟請祝

報蒙

俞允准其馳驛來京熱河接

駕筵宴禮成

賜資服食無算道光六年酉或不靖飭買馳使備肅事平

欽加二品銜珊瑚翎頂次年稟請謝

恩蒙

俞允准其馳驛來京十年恭積元月

太和殿觀花燈冰煇筵宴禮成

賜賚有加公長生承平桴鼓無憂烽燧息警幸屢覲

天顏聖官闕之壯麗歷都市之繁富與公卿士大夫相結內

投壺雍容裘帶何其華也感馳強年過古稱每日盥漱畢地

肅隱囊危坐神明弗衰世謂諸葛武侯所至營壘去罷籬

皆有純潔焉伏波年雖過而操履頑盼以示可用世祖歎其賢
公殆庶幾焉七十三而卒和碩特太夫人額附阿拉善親王旺公
之女也年二十始來歸知書達禮慈祥有識處遇事能持大體御
下以寬而民兵畏服罔或敢欺者攝內政五十年其太過補所
不及濟人深得其助焉後夫君八月而卒年七十時咸豐建元二
月朔七甲子日也子二長澤中道而夭太夫人憫惜之次勸卜然
爾根班智達佛生管理東耳閣隆寺喇嘛戒行精嚴孫一如學師
承襲指揮使者孫女一幼未字人庶子二名焱名鑫詳于行述